

# Txirritola

ARAMAIO / Barikua / 2002ko urriaren 18 / 43. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Bañerak hiru talde izango ditu aurtengo denboraldian; bat, gazte mailan

UBANE MADERA

Berritasunez beteta dator aurtengo Bañera taldea. Besteak beste, talde berria izango du Aramaiok areto futbolaren txapelketaren barruan: Bañerako gazte mailako taldea, hain zuzen. Horrez gain, iaz moduan, kadeteek eta neskek ere jokatuko dute aurtengo denboraldian.

Pozik dira Bañera areto futbol taldeko kideak; izan ere, normalean zaila izaten bada Aramaion horrelakoetarako jendea aurkitzea, aurtengo denboraldian, hori aldatu eta hiru talde izango dituzte areto futbolaren jarduteko. Berritasunik nabarmenena da mutilen artean gazte mailako taldea osatu dutela. Bañera taldeko presidentea Josu Bideburuk adierazi duenez, "mutilen artean, batzuk kadete mailatik gazte mailara pasatu dira; horren ondorioz, erabaki dugu gazte mailako taldea sortzea". Eta gaineratu du areto futbolaren barruan federazioerik garrantzitsuenean jokatuiko dela aurtengo Aramaioko gazte mailako taldeak.

Zortzi lagunek osatzen dute taldea hori; horietatik bost gazte mailakoak dira eta hiru kadeteak. Bi entrenatzaile dituzte: Juanjo Arias eta Jorge Núñez. Dena dela, Josu Bideburuk adierazi duenez, "jokalari gehiago izanez gero, hobe izango litzateke, hamar bat edo izango litzateke egokiena". Baina horretarako, Arrasateetik edo inguruetatik hartu beharko litzukete jokalaririk.



Zortzi lagunek eta bi entrenatzailek osatzen dute Bañerako gazte mailako taldea.

UBANE MADERA

*Bañerako nesken taldea mailaz igo da aurtengo denboraldian, eta kadeteen kontra jokatuko du*

la Kirolaren barruan segitzen dute; hori bai, neskek mailaz igo dira aurtengo denboraldian, eta kadeteen kontra jokatuko dute. Bederatzi jokalaririk dituzte taldeak, eta Alberto Ibañeta eta Txuñe dira entrenatzaileak.

Kadete mailako mutilak, berriz, zortzi dira. Bi entrenatzaile dituzte: Alberto Untzalu eta Igor Aiestu.

Hortaz, ikusten denez, ondo antolatutako taldeak dituzte aurtengo denboraldian. Orain, partiduen egutegia noiz zehaztu zain daude hiru taldeak.

2002-2003 denboraldiaren gainean Josu Bideburuk adierazi du espero duela herritarrek taldeak animatzera joatea, bereziki, etxean jokatzeko dutenean. Hori bai, betiere, gainerakoekiko errespetu osoa erakutsita animatzea eskatu du Josu Bideburuk.

### NESKAK ETA KADETEAK


Bañerako beste bi taldeak, berriz, neskena eta kadeteena, aurreko urteetako jarraipena dira. Hau da, Diputazioak bultzatutako Esko-

## ATREBENTZIAEZPADA/ Nora jotzen duzu sarriago, Arrasatera edo Gasteizera?



**NOE MIGUEL**  
Erretiratua

Gasteizera sarriago. Hiriburua izanda, denetik dago. Jeneralean, erosketak handiak egitera, jantziak erostera... joaten naiz.




**MIKEL AIASTUI**  
Langabea

Arrasatera, duda barik. Edozertarako. Parrandarako Gasteiz ere gustatzen zait, baina jeneralean Arrasatera jotzen dut, jende gehiago ezagutzen dut.



**OLGA JAUREGI**  
Langilea

Eguneroko erosketak egitera, Arrasatera, baina jantziak eta horrelakoak erostera, Gasteizera. Zinemara ere Gasteizera joaten naiz.



**ALATS ARANA**  
Erretiratua

Erdizka. Arrasatera sarriago, eguneroko erosketak egitera-eta. Gasteizera noizbehinka joaten naiz. Denbora-pasa ere Gasteizera joaten naiz.



**ALEX MENDIKUTE**  
Langilea

Arrasatera. Eguneroko erosketak Aramaion egiten ditut; parranda egitekoan Arrasaten. Zinema Gasteizen, eta bestela, Arrasaten eta Aramaion.

## LABUR

### Autobus zerbitzu berria ez da premiazkoa

Hala uste du Arrasateko Udalak. Kontua da oraingo astean Gasteiz, Aramaio eta Arrasate zeharkatzen dituen autobus zerbitzuaren berri eman diola Aramaioko Udalak Arrasatekoari; eta galdetu dio ea interesik baduen zerbitzuarekin. Arrasateko Udalak erantzun dio oso zerbitzua interesgarria dela, baina "Arrasateko Udalak antzerako zerbitzua ematen duen auto-taxia kontratatatu duela hurrengo lau urteetarako". Horrenbestez, ez du premiarik ikusten.

**TELEFONO JAKINGARRIAK**

**OSASUNA / LARRIALDIK**

Oxasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zubiako Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoaren orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu behar dute honako zenbaki honetara: 629 54 59 23

**OHARRAK**

**HOBİ SEPTIKOEN GARBİKETA**

Aramaioko Udaletik jakinarazi dutenez, laster herriko hobi septikoak garbitzeari ekingo diote. Hortaz, udal hobi septikoe-kin batera hobi septiko partikularrak garbitu gura dituztenek norberaren izena eta hobiaren kokapena jakinarazi behar diote Aramaioko Udalarari. Datorren martitzena (urriaren 22a) baino lehen eman behar da izena.

**BAÑERA TALDEAREN PARTIDUA**

Oraingo zapatuan jokatu-ko du Bañerako gazte mailako taldeak denboraldiko aurreneko partidua, Gasteizko Judimendi kiroldegian, 11:15ean. Bañerako gazteek El Pilar Marianistas taldea izango dute aurrez aurre.

**ZALDIBARKO TXAPELKETA**

Arrasaten jokatzeko den Zaldibar Txapelketa hastear dago. Eta aurten ere izango da Aramaioko ordezkariak. Gainera, talde batek beharrez, bik jokatu dute: Rayo Aldeanok eta Ekipo A taldeak. Aurreneko jardunaldia bihar, zapatua, izango da.


**KULTURA**

**Kultura ekimenak aramaioarren eskura asteburuan**

Asteburu bete-betea gura duenari ez zaio aukerarik falta izango oraingo asteburuan. Izan ere, batetik, Anboto tabernan kontzertua izango da zapatuan, 21:30ean. Oraingo honetan Gasteizko Hierro taldea gonbidatu dute Ibarrako tabernara. Los Padrinos izeneko taldearen abeslari ohia da Hierro taldeko kide-etako bat.

Domekan, berriz, ikastolen aldeko jaiak ospatuko dute Tuteran: Nafarroa Oinez. Hara joateko aukera izango da; izan ere, autobusa antolatu du Aramaioko Udaleko Euskara Zerbitzuak. 08:30ean irtengo da, domekan.

Bestelako plan motaren bat egin gura dutenek, berriz, organo eta ahots kontzertua izango dute aukeran Legutio. Egurdiko hamabi eta erdietan hasiko da. Floren Untzueta aramaior- rarak emango du kontzertua, Unai Ibáñezekin eta Iñaki Cantón Uriondorekin batera.



**BOTEPRONTOAN/ Fernando Iartza · Iturrieta sagardotegiko sukaldaria**

*“Normala da euskal sukaldea modan egotea; geure sukaldea garbi-garbia da, ia-ia sendagarria”*

**F**ernando Iartza oñatiarra da, baina Aramaion dihardu beharrean, Iturrieta sagardotegian sukaldari. Aramaiora iritsi aurretik, makina bat lekutan ibilitakoa eta hamaika leku eza- gututakoa da. Hara, Arrasate Irra- tiari kontatutakoa:

**Irratia lehenagotik ere ezagutzen duzu, ezta?**

Lau urte eman nituen Radio Euskadin, errezetak ematen. Errezetak bakarrik?

Txistek ere kontatzen nituen eta poemak irakurtzen nituen... porruari, patatari, kipulari eta sukaldeari berari ere egin izan dizkiet poemak.

**Urte mordoa kanpoan eman eta gero, zer moduz Aramaion?**


Ondo. Etxean moduan nago. **Baina sukalde mordoa ezagutu dituzu, ezta?**

Oñatin, Donostian, Bilbon, Iruñean, Bartzelonan, Andorran, Mallorcan, Suitzan, Alemanian, Frant- zian, Alejandrian... Leku askoan ibilitakoa naiz. Ameriketara joa- tea falta zait. Oraindik ere joango naiz. (Barreak).

**Azken urteotan Mallorcan izan duzu jatetxeren bat...**

Palman, Basarri izenekoa. Bederatzi bat urtez izan dut jatetxea han.

**Eta zer moduz?**



*Oñatin, Bilbon, Andorran, Mallorcan, Iruñean, Suitzan... ibili naiz lanean*

Ondo. Jateko leku guztietan izaten da jendea; batzuek *Mc Donalds*-ak gurago dituzte, beste batzuek ondo jan gura dute.

**Baina zuk beti euskal sukaldaritzan...**

Beti. Eta babarrunak eta hemendik eramandakoak. Buzkantzak, txorizoa, gazta, bakailaoa... Okela ere bai. Horixe da desberdina; han erosita, ez da berdin.

**Mallorcakoei gustatzen zaie hemengo jana?**

Askok. Mundu guztikoei. **Mallorcan printzesaren baten etxean egin duzu lan...**

Bai. Tocotua familiarekin. Emaztea Mallorcakoa da; eta senarra Ertamerikakoa. Zaldiak dituzte. Artistak joaten dira, Espainiako Erregea, kirolariak... Zaldiak eroatera, preparatzen...

**Erregeak zelan jaten du?**

Ondo, apur bat txotxoloa da,

**HERRIKO PUINAK**

**ANBOTOKO DAMA I**

Berajuengo udalerrian gaztelu handi bat zegoen, almenaduna, eta almenak hamaika dorrez inguratuta. Inguru guztia defendatzeko putzu zabala zuen.

Hango lantegiak ehun bat urte zituen; Zalgogarain, berriz, dorre umil bat zegoen, ez zen oso zabala eta paretak eta atea bakarrrik zituen defendatzeko.

Zalgogarainen gaineko txu- txu-mutxu ezohikoak entzuten ziren bailarako bizilagunen artean.

Hamar urte lehenago Najerako erreinutik bizar luzedun gizon bat etorri zen, larruzko jantziekin. Eta b0ehar zituen bitarteko guztiak erabilia, dorre hura eraiki zuen.

Handik gutxira, beste gizon- ezko bat etorri zen. Hura ere bizar luzeduna, baina ez zituen aurrekoaren moduko jantziak: birreta zuen, besteak beste.

Aurrenekoa desagertu zen.

Bigarrena eraiki berri zegoen dorrean geratu zen.

Belar eta landare guztien dohainak ezagutzen zituen; mirariak egiten zituen horiekin eta mota guztietako gaitzak senda- tzen zituen.

'La Dama de Amboto' Sotero Manteli

*Behin, Erregea eta Michael Douglas, biak etorri ziren kazola ogiarekin igurztera*

baina... Sukaldera sartzen da galdetzeraz, lagundu ere egiten du, baita Sofiak ere.

**Eta zein berriketa izan zenuen haiekin?**

Ezer gutxi. Zer egingo nuen galdetzen zidan, eta esan zidan bezperakoa oso ona zegoela.

**Hortaz, askotan joaten zen?**

Bai. Ez dakit egia izango den, baina han esaten dute urte askoan Tocotuako printzesa Erregearen erdi nobia izan dela-edo... Nik ez nuen ezer ikusi.

**Michael Douglas ere izan zen, Catherine Z. Jonesekin; zelan jaten dute?**

Ondo, ez dute ezer berezirik jaten. Berdura asko, okela plantzan... Dena oso garbia.

**Euskal sukaldaritzarik ez?**

Bai. Ipinien. Babarrunak izugarri gustatu zitzaizkion Douglasi. Eta legatza saltsan... Behin, Erregea eta Michael Douglas, biak etorri ziren bisiguaren kazola ogiarekin igurztera, postrearen ostean.

**Zeini gustatuko litzaizuke afari goxo bat prestatzea?**

Amari, legatza saltsan.

**Badirudi euskal sukaldea modan dagoela...**

Normala. Gure sukaldea garbia da, ia-ia sendagarria. Berdura, arraina, okela... Dena garbia.